

唐本注云此藥上品無毒久服主邪氣驚狂之病其根葉似葵花子根香味似防風故名防葵採依時者亦能沉水今乃用枯朽狼毒當之極為謬矣

陳藏器云按此二物一是上品而陶云防葵與狼毒根同但置水中不沉爾然此二物善惡不同形質又別陶既為此說後人因而用之防葵將以破堅積為下品之物與狼毒同功今古因循遂無甄別此殊誤也

雷公云凡使勿誤用狼毒緣真似防葵而驗之有異效又不同切須審之恐誤疾人為錫云謹按藥性論云防葵君有小毒能治疝氣瘕瘕氣塊膀胱宿水血氣癰大如椀悉能消散治鬼瘡主百邪鬼魅精怪通氣

肘後方治顛狂疾防葵末温酒服一刀圭至二三服身潤又小不仁為候

圖經衍義本草卷之八

圖經衍義本草卷之九

宋通五部辨驗藥材寇宗奭撰  
宋太醫助教辨驗藥材許洪校正

草部上品之上  
遠志



為君味苦温無毒主欬逆傷中補不足除邪氣利九竅益智慧耳目聰明不忘強志倍力利丈夫定心氣止驚悸益精去心下膈氣皮膚中熱面目黃久服輕身不老好顏色延年益名小草主益精補陰氣止虛損夢洩

父三

一名棘菟一名藁饒一名細草生太山及寬甸川谷四月採根葉陰乾得茯苓冬葵子龍骨良殺天樞附子毒畏其珠藥蘆葶藶齊蛤圖經曰今河陝京西州郡亦有之根黃色形如蒿根苗名小草似麻黃而青又如華豆葉亦有似大青而小者三月開花白色根長及一尺四月採根葉陰乾泗洲出者花紅根葉俱大於他處商州者根又黑色俗傳夷門遠志最佳范汪方治背痺心痛逆氣膈中飲不下

藥性論云遠志畏蟻增治心神健忘安魂魄令人不迷堅壯陽道主夢邪陶隱居云按藥名無齊蛤恐是百合宛句縣屬宛州濟陰郡今猶從彭城北蘭陵來用之打去心取皮今用一斤止得三兩皮或云陶云恐是百合非也日華子云主膈氣驚風長肌肉助筋骨婦人血禁失音小兒客忤服無忌抱朴子內篇云陵陽仲子服遠志三十年有子三十七人開書所視便記而不志

雷公云速志凡使先須去心若不去心服之令人悶去心了用熟甘草湯浸一宿漉出暴乾用之也  
肘後方云治人心孔悞塞多忘喜誤丁酉日容自至市買速志著巾角中還為末服之勿令人知

細辛

草



州



味辛溫無毒主效逆頭痛腦動百節拘攣風濕痺痛死肌濕中下氣破痰利水道開胃中除痺譟鼻風癩癩疾下乳結汗不出血不行安五藏益肝膽通精氣久服明目利九竅輕身長年一名小辛生華陰山谷二月及

八月採根陰乾曾青葉根為之使惡狼毒山藥黃耆畏消石滑石反藜蘆

圖經云今處處有之然他處所出者不及華州者真其根細而其味極辛故名之曰細辛今人多以杜蘅當之杜蘅吐人用時須細辨耳江淮俗呼為馬蹄香以人多誤用故此詳述之

藥性論云細辛臣忌生萊味苦辛治欬逆上氣惡風風頭手足拘急安五藏六腑添膽氣去皮風濕痺能止眼風淚下明目開胃中滯除齒痛主血閉婦人血澀腰痛

雷公云凡使一一揀去雙葉服之害人須去頭土了用瓜水浸一宿至明漉出曝乾用之

禹錫云按范子云細辛出華陰色白者苦外臺祕要治卒客忤停口不能言細辛桂心等分內口中

別說云謹按細辛非華陰者不得為細辛用若杜蘅之類自應依本性於用爾又細辛若單用末不可過半錢七多即氣悶塞

不通者死  
聖惠方云治口臭及廣齒腫痛細辛煮取濃汁熱含今吐差  
衍義曰細辛用根今惟華州者佳柔韌極細直深紫色味極辛嚼之習習如椒治頭而風痛不可開也葉如葵葉亦黑非此則杜蘅也杜蘅葉形如馬蹄下故俗云馬蹄香蓋根似白前又似細辛襄漢間一種細辛極細而直色黃白乃是鬼督郵不可用

石輪

州



州



味甘平無毒主傷中除痺下氣補五藏

虛勞羸瘦強陰益精補內絕不足平胃氣長肌肉逐皮膚邪熱痹氣脚膝疼冷痺弱久服厚腸胃輕身延年定志除驚一名林蘭一名禁生一名杜蘭一名石遂生六安山谷水傍石上七月八月採莖陰乾陸英為之使惡疑水石巴豆畏蠶蠶雷丸

圖經曰今荆湖川廣州郡及溫台州亦有之以廣南者為佳在山谷中五月生苗莖似竹節節間出碎葉七月開花十月結實其根細長黃色或云採莖以酒洗將蒸炙成不用灰湯其江南生者有二種一種似大麥累累相連頭生一名麥斛一種大如雀髀名雀髀斛惟生石上者勝亦有生藥木上者名木斛不堪用陶隱居云今用石斛出始興生石上細實桑灰湯沃之色如金形似蚱蟬解者為佳近道亦有次宣城間生櫟樹上者名木斛其莖形長大而色淺六安屬廬江今始安亦出木斛至虛長不入丸散惟可為酒漬煮湯用小俗方最以補虛療脚膝

日華子云治虛損劣弱壯筋骨暖水藏輕身益智平胃氣逐虛邪雷公云凡使先去頭土用酒浸一宿漉出於日中曝乾却用酥蒸從已至酉却徐徐焙乾用

禹錫云謹按藥性論云石斛君益氣除熱主治男子腰脚軟弱健陽逐皮肌風痺骨中久冷虛損補腎積精腰痠腎氣益力衍義曰石斛細若小草長三四寸柔韌折之如肉而實今人多以木斛渾行醫二亦不能明辨世又謂之金釵石斛蓋後人取象而言之然其不輕將木斛折之中虛如禾草長尺餘但色深若光澤而已真石斛治胃中虛熱有功

巴戟天



州 錄

州 錄



巴戟天味辛甘微溫無毒主大風邪氣陰痿不起強筋骨安五藏補中增志益氣療頭面遊風小腹及陰中相引痛下氣補五勞益精利男子生巴郡及下邳山谷二月八月採根除乾覆盆子為之使惡朝生雷丸丹參

圖經曰今江淮河東州郡亦有之皆不及蜀川者佳葉似茗經冬不枯俗名三蔓草又名不凋草葉似麥門冬今兩種但擊破視其中紫而鮮潔者偽也真者擊破其中雖紫又有微白糝如粉色陶隱居云今亦用建平宜都者狀如牡丹而細外赤內黑用之打去心唐本注云巴戟天苗俗方名三蔓草葉似茗經冬不枯根如連珠多者良有根青色嫩根白紫用之亦同連珠厚者為勝

日華子云味苦五藏定心氣除一切風治邪氣癩水腫又名不凋草色紫如小念珠有小孔子堅硬難搗

雷公云凡使須用枸杞子湯浸一宿待稍軟漉出却用酒浸一伏時又漉出用菊花

同熬令焦黃去菊花布拭令乾用

禹錫云謹按藥性論云紫巴戟天使能治

男子夜夢鬼交泄精強陰除頭面中風主

下氣大風血癩病人虛損加而用之

衍義曰巴戟天本有心乾縮時偶自落或

可以抽摘故中心或空非自有小孔子也

今人欲要中間紫色則多偽以大豆汁沃

之不可不察外堅難染故先從中間紫色


有人嗜酒日須五七盃後患脚氣甚危或

教以巴戟半兩糯米同炒米微轉色不用

米大黃一兩剉炒同為末熟蜜為丸溫水

下五七十九仍禁酒遂愈

赤箭



赤箭



味辛溫主殺鬼精物蠱毒惡氣消癰腫

下支滿血久服益氣力長陰肥健輕身

增年一名離母一名鬼督郵生陳倉川谷雍

州及太山少室三月四月八月採根暴乾

圖經曰赤箭生陳倉川谷雍州及泰山少

室今江湖間亦有之然不中藥用謹按抱

朴子云按仙方中有合離草一名獨搖一

名離母所以謂之合離離母者此草為物

下根如芋魁有游子十二枚周環之去大

魁數尺雖相須而實不連但以氣相屬耳

陶隱居云陳倉屬雍州扶風郡按此草亦

是芝類云莖赤如箭葉生其端根如人

足又云如芋有十二子為衛有風不動無

風自搖如此亦非俗所見而徐長卿亦名

鬼督郵又復有鬼箭莖有羽其療並相似

而益人乖異恐並非此赤箭

禹錫云按藥性論云赤箭無毒

別說云謹按今醫家見用天麻即是此赤

箭根今補註與圖經所載乃別是一物中

品之下又出天麻一目注云出鄆州考今

之所出赤箭根苗乃自齊鄆而來者為上

今翰林沈公括最為博識嘗解此一說云

古方用天麻者不用赤箭用赤箭者即無

天麻方中諸藥皆同而唯此名或別即是

天麻赤箭本為一物並合用根也今中品

之下所列天麻一目乃與此赤箭所說

都不相干即明說是一物爾然中品之下

所為天麻者世所未嘗見用今就此赤箭

根為天麻則與今所用不相連然赤箭則

言苗用之有自表入裏之功天麻則言根

用之有自內達外之理根則抽苗徑直而

上苗則結子成熟而落返從蔕中而下至

上而生以此粗可識其內外主治之理

衍義曰赤箭天麻苗也然與天麻治療不

同故後人分之為二經中言八月採根曝

乾故知此即苗也

菴蘭子



州太

州寧

**菴蘭子** 味苦微寒微溫無毒主五藏瘀血腹中水氣臃脹留熱風寒濕痺身體諸痛癢心下堅脇中寒熱周痺婦人月水不通消食明目久服輕身延年不老驅驢食之神仙生雍州川谷亦生上黨及道邊十月採實陰乾刺實慈苾為之使

圖經曰今江淮亦有之春生苗葉如艾蒿高三二尺七月開花八月結實十月採陰乾今人通以九月採江南人家多種此辟蛇今人治打撲損多用此法飲散皆通其

效最速服食方不見用

日華子云治腰脚重痛膀胱疼明目及骨節煩痛不下食

禹錫云謹按藥性論云菴蘭使味辛苦益氣主男子陰痿不起治心腹脹滿能消瘀

血

廣利方治瘀血不散變成癰搗生菴蘭蒿

取汁一升服之

荊蒺子

荊蒺子



**荊蒺子** 味辛微溫無毒主明目目痛淚出除痺補五藏益精光療心腹腰痛久服輕身不

老一名養疥一名大戟一名馬辛一名大薺

生咸陽川澤及道旁四月五月採暴乾得刺

實細辛良惡

圖經曰爾雅云荊蒺大薺郭璞云似薺細葉俗呼之曰老薺蘇恭亦云是大薺又云

然荊蒺味辛大薺味甘陳藏器以大薺當

是薺非荊蒺荊蒺大而扁薺細而圓

二物殊也而爾雅自有薺薺謂之薺注云

實葉皆似芥一名狗薺大抵二物皆薺類

故人多不能細分乃爾致疑也古今眼目

方中多用之崔元亮海上方療眼熱痛淚

不止以荊蒺子一物搗篩為末欲臥以銅

筋點眼中富有熱淚及惡物出并去翳肉

可三四十夜點之甚佳

藥性論云荊蒺子苦寒為使能治肝家積

聚眼目赤腫

陶隱居云今處處有之人乃言是大薺子

俗用甚稀

陳藏器云荊蒺子木經一名大薺蘇引爾

雅為注云大薺按大薺即薺非荊蒺也

荊蒺大而扁薺細而圓二物殊別也

薺



春州



苦酸平無毒主益氣充肌<sup>十二</sup>明目聰慧先知久服不飢不老輕身生少室山谷八月九月採實日暴乾

○ 圖經曰今蔡州上蔡縣白龜祠傍其生如蒿作叢高五六尺一本一二十莖至多者三五十莖生便條直所以異於衆蒿也秋後有花出於枝端紅紫色形如菊八月九月採其實日乾入藥今醫家亦稀用其莖為筮以問鬼神知吉凶故聖人贊之謂之神物史記龜策傳曰龜千歲乃遊於蓬萊之上著百莖共一根又其所生獸無虎狼蟲無毒螫徐廣注曰劉向云龜千歲而靈著百年而一本生百莖又楮先生云著生滿白莖者其下必有神龜守之其上常有黃雲覆之

唐本注云此草所在有之以其莖為蓋陶誤用楮實為之本經云味苦楮實味甘其楮實移在木部也

卷栢

海州 卷栢



味辛甘溫平微寒無毒主五藏邪氣女子陰中寒熱痛癢癡血閉絕子止欬逆治脫肛散淋結頭中風眩痿癱強陰益精久服輕身和顏色令人好容體一名萬歲一名豹足一名求股一名交時生常山山谷石間五月七月採陰乾

○ 圖經曰今關陝沂究諸州亦有之宿根紫

色多鬚春生苗似栢葉而細碎拳攣如雞足青黃色高三五寸無花子多生石上五月七月採陰乾去下近石有沙土處用之樂性論云卷栢君能治月經不通尸疰鬼疰腹痛去百邪鬼魅

陶隱居云今出近道叢生石土上細葉似栢卷屈狀如雞足青黃色用之去下有沙土處

日華子云鎮心治邪啼泣除面肝頭風暖水藏生用破血炙用止血

龍膽

襄州



味苦寒大寒無毒主骨間寒熱驚懼邪

氣續絕傷定五藏殺毒除胃中伏熱時節  
溫熱熱洩下痢去腸中小蟲益肝膽氣止驚  
惕久服益智不忘輕身耐老一名陵游生香  
胸山谷及寬甸二月八月十一月十二月採  
根陰乾貫衆為之使惡防葵地黃

圖經曰今近道亦有之宿根黃白色下抽  
根十餘本大類牛膝直上生苗高尺餘四  
月生葉似柳葉而細莖如小稍枝七月開  
花如牽牛花作鈴鐸形青碧色冬後結子  
苗便枯俗呼云草龍膽湘中又有山龍膽  
草味苦澁此同類而別種也○古方治痘  
多用之集驗方穀疸丸苦參三兩龍膽一  
兩二物下篩牛膽和丸先食以麥飲服之  
陶隱居云今出近道吳興為勝狀似牛膝  
味甚苦故以膽為名今按別本注云狀似  
龍葵味苦如膽因以為名  
日華子云小豆為使治客忤疴氣熱病狂  
語及瘡疥明目止煩益智治健忘  
雷公云採得後陰乾欲使時用銅刀切去  
莖土頭了對於甘草湯中浸一宿至明漉

出暴乾用勿空腹餌之令人溺不禁  
禹錫云謹按藥性論云龍膽能主小兒驚  
癇入心壯熱骨熱擁腫治時疾熱黃口瘡  
聖惠方治蛔蟲皮心如刺吐水龍膽一兩  
去頭剉水二盞煮取一盞去滓隔宿不食  
平旦服

外臺秘要治卒下血不止龍膽 虎口以  
水五升煮取二升半分溫五服差  
肘後方治卒心痛龍膽四兩酒三升煮取  
一升半頓服

白蒿



味甘平無毒主五藏邪氣風寒濕痺補  
中益氣長毛髮令黑癆心懸少食常飢久服  
輕身耳目聰明不老生中山川澤二月採  
圖經曰白蒿蓬蒿也今所在有之似青蒿  
而葉麤上有白毛錯澁從初生至枯白於

衆蒿頗似細艾三月採此爾雅所謂藜藿  
蒿是也疏云蓬蒿今白蒿春始生及秋香  
美可生食又可蒸一名游胡北海人謂之  
旁勃故大戴禮夏小正云繁游胡游胡旁  
勃也此草故人以為菹唐孟詵亦云生按  
醋食今人但食蓬蒿不復食此或疑此蒿  
即蓬蒿

陶隱居云蒿類甚多而俗中不聞呼白蒿  
者方藥家既不用皆無復識之所主瘰癧  
殊則應更加研訪服食七禽散云白兔食  
之仙與菴蘭子同法耳

孟詵云白蒿寒春初此蒿前諸草生搗汁  
去熱黃及心痛其葉生按醋淹之為菹甚  
益人

味甘寒無毒主寒熱八疸消渴補中益  
氣久服輕身延年一名穀菜一名白草生益  
州山谷春採葉夏採莖秋採花冬採根  
陶隱居云諸方藥不用此乃有藜菜生水  
中人蒸食之此乃生山谷當非是又有白  
草葉作羹飲甚治勞而不用根華益州乃

有苦菜土人專食之皆充倦無病疑或是此唐本注云此鬼目草也蔓生葉似玉瓜小長而五極實圓若龍葵子生青熟紫黑黃汁飲解勞東人謂之白草陶云白草似識之而不的辨

陳藏器云白英主煩熱風癩丹毒瘡癩寒熱小兒結熱黃汁飲之一名鬼目爾雅云符鬼目注似葛葉有毛子赤如耳瑋味若云子熟黑誤矣

**味甘**溫主耳聾利關節保神益精氣堅筋有好顏色久服輕身不老延年一名木芝生高夏山谷六芝皆無毒六月採薯蕷為之使得髮良得麻子人白瓜子杜桂共益人惡常山畏扁青茵陳蒿

藥性論云紫芝使髮髮味甘平無毒主能保神益壽

陶隱居云按郡縣無高夏名恐是山名爾此六芝皆仙草之類俗所稀見種類甚多形色環異並載芝草圖中今俗所用紫芝此是朽樹木株上生狀如木槁名為紫芝

蓋止癢痔而不宜以合諸補丸藥也凡得芝草便正爾食之無餘節度故皆不云服法也

抱朴子云赤者如珊瑚白者如截肪黑者如澤漆青者如翠羽黃者如紫金而皆光明洞徹如堅冰也○又云木芝者松栢脂倫地千歲化為茯苓萬歲其上生小木狀似蓮花名曰木威喜芝夜視有光持之甚滑燒之不焦帶之辟兵

**味苦**平主胃中結益心氣補中增智慧不忘久食輕身不老延年神仙一名丹芝生霍山

陶隱居云南嶽本是衡山漢武帝始以小霍山之非正也此則應生衡山也

**味鹹**平主癰利水道益腎氣通九竅聰察久食輕身不老延年神仙一名玄芝生常山

唐本注云五芝經云皆以五色生於五嶽諸方所獻曰芝未必華山黑芝又非常嶽且芝多黃白稀有黑青者然紫芝最多非

五芝類但芝自難得縱獲一二豈得終久服耶

**味酸**平主明目補肝氣安精魂仁恕久食輕身不老延年神仙不忘強志一名龍芝生泰山

**味甘**平主心腹五邪益脾氣安神忠信和樂久食輕身不老延年神仙一名金芝生嵩山

**味辛**平主救逆上氣益肺氣通利口鼻強志意勇悍安魄久食輕身不老延年神仙一名玉芝生華山

**燒去**惡氣除病疫漢武帝故事西王母降上燒兜木香末兜木香兜渠國所獻如大豆塗宮門香聞百里關中大疾疫死者相枕燒此香疫則止內傳云死者皆起此則靈香非中國所致標其功用為衆草之首焉

**帶之**使夫婦相愛生嶺南頭如彈子尾若鳥尾兩斤開合見人自動故曰獨搖草

海藥云謹按廣志云生嶺南又云生大秦



國性温平無毒主頭面遊風遍身麻黃汁  
淋藤陶朱術云五月五日採諸山野往往  
亦有之

**苦辛温無毒**主一切風血補益  
攻諸病瘻之亦浸酒生蜀川山谷葉細長在

諸草中平不喫者是

**仙人**主小兒疥瘡黃湯浴亦搗傳之疥瘡  
頭小大硬小者此瘡或有不因藥而自差者  
當丹毒入腹必危可預飲冷藥以防之兼用  
此草洗瘡亦明目去膚賢按汁滴目中生階  
庭間高二三寸葉細有鷹齒似離馬草北地  
不生也

**苦平小毒**主天下疫氣結黃瘡瘰  
瘻毒黃服之吐下亦搗傳瘡蟲蛇犬等咬處  
藤生道旁籬落間有之葉細厚宜湖間有之

**味甘温無毒**主一切風血氣羸弱令人  
性健久服風緩及偏風並正生山南峽中葉  
似枸杞根如葛黑色也

**味甘寒無毒**去熱煩解毒調中氣令人  
肥健又主剝馬血毒入肉狂犬牛馬熱黃瘡

絞取汁和米粉作糗餅食之甜美止澁搗葉  
汁傳蛇咬瘡生江南山林下蔓如葛又有小  
葉尖長氣辛臭搗傳小兒腹除痞滿閉解  
**地楊梅**味辛平無毒主赤白痢取莖子煎服  
生江東温濕地四五月有子似楊梅苗如莖  
草也

**天竺**味辛温無毒主冷氣寒中宿食不  
消腹脹下痢腰背疼痛癰氣塊惡血積聚生  
婆羅門國似薑小黃一名胡乾薑  
圖經衍義本草卷之九

圖經衍義本草卷之十

父三

宋通直郎辨驗藥材寇宗奭編撰  
宋太醫助教辨驗藥材許洪校正

草部上品之下

芎藭

芎藭

芎藭



**味辛温無毒**主中風入腦頭痛寒痺筋  
骨緩急全瘡婦人血閉無子除腦中冷動面  
上遊風去來目淚出多涕唾忽忽如醉諸寒  
冷氣心腹堅痛中惡卒急腫痛骨風痛温中  
內寒一名胡藟一名香果其葉名麻蕪生武  
功川谷斜谷西嶺三月四月採根暴乾白芷